

Post	Oifigeach Saoráidí (OF)
Conradh	Lánaimseartha; Tréimhse Éiginnte
Grúpa Seirbhíse	Seirbhísí Corparáide
Láthair	Ceannoifig BIM, Dún Laoghaire, Co. Bhaile Átha Cliath nó Oifigí Réigiúnacha BIM (Is féidir iarratas ar shocrú hibrídeach)

Cur síos gairid ar BIM:

Is comhlacht leathstáit neamhthráchtála é BIM a bunaíodh go foirmiúil faoi reacht (An tAcht lascaigh Mhara, 1952). Is gníomhaireacht de chuid Stát na hÉireann é BIM atá freagrach as tionscal bia mara na hÉireann a fhorbairt. Is gníomhaireacht de chuid na Roinne Talmhaíochta, Bia agus Mara agus de chuid líonra Ranna Rialtais eile, gníomhaireachtaí leathstáit, páirtithe náisiúnta agus idirnáisiúnta mara é Bord lascaigh Mhara (BIM).

Tá cúig aonad gnó san eagraíocht: Seirbhísí Teicniúla Bia Mara, Seirbhísí Forbartha Scileanna, Seirbhísí Corparáideacha, Seirbhísí Forbartha agus Nuálaíochta, Seirbhísí Eacnamaíochta agus Straitéiseacha, agus tacaíonn Cumarsáid Chorparáideach leo sin. Is i nDún Laoghaire, Co. Bhaile Átha Cliath atá Ceannoifig BIM lonnaithe. Chun tacú leis an earnáil Bia Mara, tá foireann BIM lonnaithe go straitéiseach sna pobail cois cósta a mbíonn siad ag freastal orthu, agus oifigí i nGaillimh agus sna Cealla Beaga san áireamh. Chomh maith leis sin tá dhá choláiste oiliúna BIM lonnaithe sa Chaisleán Nua, Co. Dhún na nGall agus i mBaile Chaisleáin Bhéarra, Co. Chorcaí. Ar deireadh, tá SIH (Mol Nuálaíochta Bia Mara) BIM lonnaithe i gCloch na Coillte, Co. Chorcaí áit a dtacaíonn sé le nuálaíocht agus le hinbhuanaitheacht i dtionscal bia mara na hÉireann.

Tá sé d'aidhm ag straitéis BIM feabhas a chur ar iomaíochas earnáil bia mara na hÉireann trí dhíriú ar na cúig phríomhthosaíocht straitéiseacha seo a leanas:

- Ceannaireacht a threorú agus a chothú
- Torthaí a bhaint amach le réitigh a chuireann athrú i bhfeidhm
- Infheistíocht a dhéanamh le haghaidh fás fadtéarmach
- Ár gcomhshaol agus ár n-earnáil a chosaint

Ár Misean

Tacú le luach a mhéadú maidir le hearnáil inbhuanaithe bia mara na hÉireann, ar fud an tslabhra soláthair, ó ghabháil go dtí an tomhaltóir, agus sin a éascú.

Ár bhFís

Rachaimid i gcomhar le hearnáil bia mara na hÉireann ar gach bealach is féidir, le hintinn agus le práinn, chun na hathruithe is gá a aithint agus a bhrú chun cinn chun a chinntiú go mbeidh todhchaí inbhuanaithe ann.

Ár Luachanna

Is iad bunluachanna BIM ná lontaobhas, Comhpháirtíocht, Obair Foirne, Cuimsiú agus Ionracas.

Chun tuilleadh eolais a fháil ar an méid atá thuas, lean an nasc: <https://bim.ie/publications/corporate-strategy/>

Cur síos ar an nGrúpa Seirbhíse cuí:

Seirbhísí Corparáide

Cuireann Seirbhísí Corparáide tacaíocht, pleanáil agus riarachán a bhaineann le cúrsaí Airgeadais, TFC, Soláthar, Seirbhísí Flít, Seirbhísí Infheistíochta agus gréasán Ice Plant ar fáil laistigh de BIM.

Achoimre ar an Ról:

Tagann ról Oifigeach Saoráidí BIM faoi stiúir an Bhainisteora Saoráidí chun freagrachtaí leanúnacha bainistithe saoráidí a thabhairt i gcrích, lena n-áirítear cothabháil a dhéanamh ar chreatlach na bhfoirgneamh. Is éard a bheidh i gceist leis an ról ná cothabháil choiscitheach phleanáilte a chur i bhfeidhm lena n-áirítear cúrsaí leictreachais, cúrsaí meicniúla, teas, pluiméireacht aeraithe (HVAC), BMS, bainistiú dramhaíola agus fuinnimh ar fud shaoráidí uile BIM.

Cúlra leis an Riachtanas:

Gníomhaireacht de chuid Stát na hÉireann é BIM atá freagrach as tionscal bia mara na hÉireann a fhorbairt. Tacaíonn sé le pobail agus tionscal bia mara na hÉireann lena chinntiú go n-úsáidtear acmhainní uisceacha agus muirí ar bhealach inbhuanaithe.

Oibreoidh an tOifigeach Saoráidí laistigh den Aonad Seirbhísí Corparáideacha agus tacóidh sé le cóiríocht foirne agus le trealamh agus spás oifige a chomhordú i gcomhréir le riachtanais ghnó, sláinte agus sábháilteachta.

Príomhthascanna:

- Tacaíocht riaracháin a chur ar fáil don Bhainisteoir Saoráidí don bhainistiú saoráidí ar fad laistigh de Cheannoifig BIM, den dá Choláiste Náisiúnta Iascaigh atá againn agus d'oifigí réigiúin eile ar fud na hÉireann, fardal beo agus pleanáil don todhchaí a choinneáil de réir cheanglais oibríochta agus phlean straitéiseach BIM.
- Cuidiú leis an soláthar agus le feidhmíocht seirbhísí lena n-áirítear glanadh, teileachumarsáid, cothabháil, fuinneamh, socruithe slándála lena n-áirítear clúdach slándála lasmuigh de ghnáthuaireanta agus córais aláraim don Cheannoifig agus d'oifigí réigiúin. Tacaíochta saoráidí a chur ar fáil don dá choláiste de réir mar is gá.
- Suiteálacha agus athfheistithe a phleanáil agus a chomhordú i ngach ceann de shaoráidí BIM lena n-áirítear an Cheannoifig, na hoifigí réigiúin agus an dá choláiste lena chinntiú go ndéanfar bainistiú tionscadal cuí agus go mbeifear ag cloí le ceanglais sláinte agus sábháilteachta.
- Dul i gcomhairle le hOifig na nOibreacha Poiblí de réir mar is cuí.
- Cuidiú leis an deasc fáilte in oifig BIM i mBaile Átha Cliath.
- Flít feithiclí BIM a bhainistiú, lena n-áirítear cothabháil, cáin, logleabhar.
- Cothabháil trealamh oifige nach trealamh TF é, stáiseanóireacht agus trealamh ceantín a bhainistiú, agus cinnte a dhéanamh go bhfuil earraí sa stoc agus go bhfuil siad ag teacht le caighdeán sláinte agus sábháilteachta.
- Dul i gcomhairle le baill foirne agus le tionóntaí maidir le cúrsaí rochtana, páirceáil carr agus aon saincheist eile a bhaineann le saoráidí a d'fhéadfadh teacht aníos.
- Tacaíocht maidir le Sábháilteacht & Sláinte Ghinearálta.
- Bainistiú Sócmhainní Seasta.
- Tacaíocht maidir le hárachas.
- Tacaíocht maidir leis an bhFoireann Ghlas agus Gníomhú ar son na hAeráide.
- Cláir cothabhála agus ghlantacháin a riar ar fud shaoráidí uile BIM.

- Buiséid saoráidí, pleanáil sreafa airgid agus gach doiciméad/próiseas eile a bhaineann le saoráidí a riar.

Eile:

Dualgais ghaolmhara ar bith eile a d'fhéadfaí a éileamh de réir mar is réasúnach agus a d'fhéadfaí a shannadh ó am go ham a chomhlíonadh.

Struchtúr Tuairiscithe:

Bainisteoir Saoráidí/Stiúrthóir Seirbhísí Corparáideacha

Teagmhálaithe:

Laistigh de BIM

An Bainisteoir Saoráidí, An Stiúrthóir Seirbhísí Corparáide, An Ceann Airgeadais agus baill foirne BIM.

Lasmuigh de BIM

Soláthraithe agus soláthróirí seirbhísí.

Oiliúint

Níl aon riachtanas éigeantach oiliúna i gceist leis an ról seo.

Déanfar riachtanais oiliúna a aithint tríd an gCóras Bainistithe Feidhmíochta atá againn.

Cáilíochtaí Oideachais, Gairmiúla nó Teicniúla, Eolas, Scileanna, Inniúlachtaí, Taithí agus Oiliúint

Riachtanach:

- Cáilíocht ábhartha tríú leibhéal ag leibhéal 6 nó níos airde ar an gCreat Náisiúnta Cáilíochtaí **agus** taithí dhá bhliain ar a laghad ar bheith ag feidhmiú i ról Riaracháin Bainistithe Saoráidí; **nó**
- Taithí oibre 5 bliana ar a laghad ar bheith ag feidhmiú i ról Riaracháin Bainistithe Saoráidí;
- Taithí chruthaithe ar sheirbhísí a chur ar fáil do chliant, ar bheith ag obair le foireann bainistithe saoráidí, conraitheoirí agus díoltóirí seachtracha.
- Freagracht chruthaithe roimhe seo maidir le buiséid a ullmhú, sonraisc a sheoladh, cuntais a réiteach agus anailís a dhéanamh.
- Freagracht chruthaithe roimhe seo maidir le conarthaí a riar agus sceidil chothabhála choisctheacha phleanáilte.

Inmhianaithe:

- Eolas ar Chóras Bogearraí Bainistithe Saoráidí.
- Eolas ar sholáthar na hearnála poiblí, ar oibríochtaí foirgnimh, ar bhogearraí cuntasáochta agus ar bhainistiú díoltóirí.
- Eolas ar bhainistiú fuinnimh agus ar chleachtais CSR.
- Scileanna bainistithe tionscadal den chéad scoth, agus an cumas tosaíochtaí iomadúla a bhainistiú.

Tréithe pearsanta speisialta atá de dhíth don phost:

- Fuinniúil agus iontaofa.
- Ábalta oibriú ar bhealach eagraithe agus dul chun cinn a dhéanamh i do chuid oibre as do stuaim féin.
- Ábalta oibriú asat féin agus a bheith ábalta oibriú mar chuid d'fhoireann ag an am céanna.
- Taithí ar bheith ag obair i gcomhar leis an bhfoireann theicniúil.
- Ábalta oibriú go stuama chun fadhbanna le páirtithe leasmhara a réiteach.

Tuarastal:

Ag grád Príomhoifigeach Feidhmiúcháin a bheidh an luach saothair i gcomhréir le Scála Tuarastail ceadaithe na Roinne Airgeadais don Earnáil Phoiblí, le raon tuarastail €34,562- €56,969 (amhail an 1 Deireadh Fómhair 2023) in aghaidh na bliana pro-rata i ndáil leis an am a bheidh oibrithe.

Ag an gcéad phointe iontrála ar an scála thuasluaite, de réir beartas Rialtais agus/nó treoirlínte iomchuí na Roinne Caiteachais Phoiblí agus Athchóirithe (DPER) a cheapfar an t-iarraitasóir a n-éireoidh leis. Déanfar ball den Scéim Pinsin Seirbhíse Poiblí Aonair díot mura bhfuil tú i do bhall de scéim pinsin earnála poiblí i láthair na huaire (nó mura raibh tú i do bhall de scéim pinsin earnála poiblí le sé mhí anuas). Tá Scéim Tuarastail agus Pinsin faoi réir ag gnásanna faofa earnála poiblí agus glacann cuntas ar sheirbhís le déanaí san earnáil phoiblí ag teacht le himlitreacha agus rialacha ábhartha.

Saoire Bhliantúil:

Is é 23 lá oibre in aghaidh na bliana pro-rata chun an t-am a oibríodh a léiriú an teidlíocht saoire bliantúla atá ag gabháil leis an ról seo. Níl Laethanta Saoire Poiblí san áireamh i dteidlíochtaí saoire bliantúla. Ní mór gach lá saoire a bheith ceadaithe roimh ré ag do bhainisteoir nó ag a n-ionadaí údaráithe i gcomhréir le polasaithe saoire BIM.

Fad an Chonartha:

Cuirfear conradh fostaíochta Tréimhse Éiginnte ar fáil le cead ó BIM faoi réir léiriú sásúil ar an leibhéal atá ag teastáil agus an tréimhse phromhaidh atá ag teastáil a chur i gcrích. Cuirfidh an t-iarraitasóir a n-éireoidh leis tréimhse phromhaidh isteach le linn na chéad sé mhí.

An Bealach le hiarratas a dhéanamh:

Ba chóir C.V. iomlán chomh maith le litir iarratais agus a [Foirm Iarratais Folúntais BIM](#) chomhlánaithe ina ndéantar cur síos ar thaithí agus scileanna a bhaineann leis an bpost, a sheoladh ar ríomhphost chuig jobs@bim.ie nó a sheoladh sa phost chuig Rannóg Acmhainní Daonna BIM, Bóthar Crofton, Dún Laoghaire, Co. Bhaile Átha Cliath.

Is é 5 p.m. an 3rd Samhain 2023 an dáta deiridh a nglacfar le hiarratais.

Tabhair ar aird go bhféadfadh níos mó ná céim agallaimh amháin a bheith i gceist leis an bpróiseas earcaíochta don ról seo agus go bhféadfadh BIM iarraidh ar na hiarratasóirí a roghnaítear cur i láthair gearr a dhéanamh ar ábhar a bheidh roghnaithe roimh ré ag céim an agallaimh dheiridh. Tabhair ar aird nach

nglacfar le hiarratais a bheidh déanach.

Ba cheart aon cheist maidir leis an ról seo a sheoladh ar ríomhphost chuig jobs@bim.ie.

Úsáid Sonraí - Ní bhainfear úsáid as na sonraí pearsanta ná an fhaisnéis go léir a chuirtear ar aghaidh leis an iarratas seo ach chun críoch an fheachtais sin agus don fheachtas sin amháin, agus déanfar na sonraí agus an fhaisnéis a scríosadh ansin i gcomhréir le Polasaí an Rialacháin Ghinearálta maidir le Cosaint Sonraí agus an sceideal coinneála sonraí atá againn.

Caithfear le gach faisnéis go huile agus go hiomlán faoi rún agus ní bheidh rochtain ar an bhfaisnéis sin ach ag na daoine sin a bhfuil baint dhíreach acu leis an bhfeachtas.

Is fostóir comhdheiseanna é Bord Iascaigh Mhara

